



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Imago saeculi XVII. ad annum huius saeculi X. producta**

**Neuhusii Paderbornae, 1710**

Annus 1700.

**urn:nbn:de:hbz:466:1-29436**

derat Venetis, ut duriores pacis leges proponerent, quàm pateretur fastus Barbarorum, cui demum etiam cedendum fuit.

In Ratisbonensibus comitiis diu multaque deliberatum de conciliandis Calendariis Juliano atque Gregoriano, eo tandem eventu, qui dudum haberi potuisset, nisi multis sponte errare libuisset.

Studiofius ibidem laboratum, ut reperiretur explicatio art. 4. Pacis Riswicensis, quæ ita satisfaceret Catholicis, ut A catholicis non displiceret, qualem tamen vix reperire licebit.

In Gallia denuò coire incipiunt atræ belli nubes fulminibus prægnantes, quæ minari videntur gravem Europæ tempestatem.

### ANNUS 1700.

**R**omæ acriter agitata controversia de veneratione Confucii Philosophi, Sinenfium Legislatoris, defunctorumque parentum, an damnanda ut superstitiosa, an permittenda Neophytis ut cultus merè politicus, qualis pronuntiatus fuit à Sacro officio 1656. sub Alexandro VII. per decretum solenne, cujus declaratione sapienter usi PP. Soc. Iesu. ad Christianæ rei incrementum Sæculo medio non integro ultra sexagesies cente-

cente-

centena hominum millia fidei Orthodoxæ mysteriis initiârunt, plaudentibus bonis omnibus, & tam copiosam infidelium conversionem Societati gratulantibus, dum ante aliquot annos Maigrotius Gallus Doctor Sorbonicus cum potestate Vicarii Apostolici in Provinciam Foquien missus, Ecclesiam Sinensem turbis, Romam verò sinistris opinionibus implevit.

Ibidem confectus senio vivere desiit mense Septembri Innocentius XII. conditusque monumento, quod sibi anno elapso etiamnum vivus & vegetus exstrui curavit cum hac inscriptione Innocentius XII. Pontifex maximus electus D. XII. IUL. MDCXCI. mortuus A. Christi--- Locum defuncti contactus fuit precibus & votis suffragantium occupare cum nomine Clementis XI. Cardinalis Albani anno ætatis 50. nobilis Urbinas ex antiquissima familia Albanorum, vir numeris omnibus absolutus, in quo vel critici Cardinalium censores nihil desiderârunt præter senium.

Hoc anno mutuis selegationibus honorârunt Augustissimus Imperator Leopoldus, & Mustapha Turcarum Tyrannus ad pactæ pacis securitatem, & ostentandam  
gentis

gentis utriusque potentiam. Ablegatus à Cæsare fuit Constantinopolim Wolffgangus Comes ab Oettingen, qui ingenti nobilitate, & præcipuæ notæ Dynastarum comitatu stipatus incredibili pompâ Barbaris illuxit, ad opprobrium Oratoris Turcici Bassæ Ibrahim, qui licet non omnino sordidus, non tamen satis splendidus, nec sine aliqua nota barbaræ rusticitatis Vienna comparuit. Oblata Cæsaris nomine non minus numerosa, quam artificiosa auri argenti que suppellex, quam Sultanus tentorio, Serico, Ambaro, Moscho, Equis, Leopardis, ephippiis, frænis, alióque instrumento equino non inconcinnè pro gentis imperitia fabricato compensavit.

Dum Europa quiescit defuncta bello Turcico & Gallico, incipit ardere bellis Septentrio,

Rex Daniæ infestis copiis ingreditur Holstatiam Schlesvicensem, & occupata brevi tempore cum Friderichsburgo & Schlesvico Ducatûs parte potiore ipsam Tønningâ coronâ cingit, & per aliquot hebdomadas acriter verberat, sed ad volantibus subsidio laboranti Duci Suecis. Hollandis & Lüneburgicis obsidionem solvere, & in pacem Daniæ

Daniæ non admodum decoram concedere cogitur.

Interea dum Rex Sueciæ distinetur in pre-  
mendo Dano, Fridericus Augustus Rex Po-  
loniæ invadit Livoniam, obstantes Suecos  
iteratis vicibus fundit, fugatque, munimen-  
tum insigne ad situm ad fauces Dünae fluvii,  
quod à suo nomine deinde dixit Augusto-  
burgum, post iteratam impressionem expu-  
gnat, & demum Kockenhusium arcem in  
paucis munitam ad deditioem cogit; plu-  
ra haud dubiè tentaturus anno insequenti,  
si vices non mutet, ut sæpè solet, fortuna  
belli.

Infelicior fuit Polono hujus Auxiliaris  
magnus Dux Moschoviæ, qui cum ingenti  
suorum clade depulsus fuit ab obsidione  
Narvæ, urbis in Livoniæ finibus fortissimæ,  
victoriq; Sueco coactus in prædam cedere  
castra, tormentaque omnia, & præcipuos  
exercitûs Duces, quos vel ferrum vel capti-  
vitas abstulit.

Tandem 1. Novemb. Die Sanctis omni-  
bus sacro viribus fractus morbis & morti  
succubuit Carolus II. Hispaniarum & In-  
diarum Rex Austriacus, præter alias virtu-  
tes Regias pietate in Deum, & amore erga  
subdi-

subditos plane insignis. Unum quod in eo magnæ parti Europæ displicet, est voluntas ejus ultima.

*ANNUS 1701.*

**R**omæ Jubilæum celebratur maximo totius Europæ affluxu numerata sunt exterorum 276000. Controversia palatino Aurelianensis in favorem palatini Neoburgici elisâ Aurelianensis præteensione deciditur.

Per mortem Caroli II. Hispaniarum Regis ejusque testamentum nova belli jacta sunt semina : hinc Hispanias vi testamenti sibi Philippus Andegavensis vendicat inde successionis jure eas prætendit Domus Austriaca, tævet Andegavensi Elector Bavarus Belgii Governator, & una nocte in omnes Belgii munitiones Gallicum admittit præsidium Batavico exarmato.

Sabaudia Ducem sibi pariter devincit Rex Christianissimus petita Andegavensi in sponsam filia principe Maria Ludovicâ. Mittitur in Italiam Catinatus cum valida armatorum manu qui omnem Italiae aditum Cæsareis præcludat. Vaudemontius Mediolanensium Governator copias Gallicas amicè excipit, & Philippi admittit imperia